



Хэвлэлийн мэдээ
2017 оны 9-р сарын 11

Холбогдох утас:
9710-9009

ХААН Банк “Америкийн Өдрүүд 2017” үзэсгэлэн худалдаанд төлбөр тооцооны цогц шийдлийг үзүүлнэ

УЛААНБААТАР, МОНГОЛ УЛС - Монгол дахь Америкийн худалдааны танхим (АмЧам Монгол)-аас Монгол дахь АНУ-ын Элчин сайдын яамтай хамтран дөрөв дэх удаагаа зохион байгуулж буй “Америкийн өдрүүд 2017” үзэсгэлэн худалдаа 9-р сарын 16, 17-ны өдрүүдэд Мишээл экспо төвд зохион байгуулагдах гэж байна. АмЧам Монголын гишүүн ба Монгол Улсын тэргүүлэх арилжааны банкны нэг ХААН Банк тус үзэсгэлэн худалдаанд албан ёсны төлбөр тооцооны цогц шийдлийг үзүүлэгч банкаар хамтран ажиллах болсныг зарлахад таатай байна.

ХААН Банк нь Монгол Улс даяар нийт 537 салбар нэгжтэй үндэсний хэмжээний тэргүүлэгч арилжааны банк бөгөөд Монгол улсын нийт айл өрхийн 70 гаруй хувьд банкны цогц үйлчилгээг хүргэн ажиллаж байна. ХААН Банк нь Монгол Улс даяар иргэдэд банкны үйлчилгээ үзүүлэхээс гадна жижиг дунд үйлдвэрлэгчид, байгууллагын харилцагчдад банк санхүүгийн цогц үйлчилгээг найдвартай, түргэн шуурхай хүргэдэг.

Мөн тус банк нь техник, технологийн шинэчлэлд тасралтгүй хөрөнгө оруулалт хийж ирсний дүнд Улаанбаатар хот, аймаг, томоохон сумын төвүүд, суурин газарт АТМ-ны хамгийн өргөн сүлжээг бүрдүүлж, харилцагчид аль ч салбар, нэгжээс банкны үйлчилгээг бодит цагийн горимд авч санхүүгийн хэрэгцээгээ зохицуулж байна. Түүнчлэн ХААН Банк нь дэвшилтэт цахим банкны үйлчилгээгээр тэргүүлж, Интернэт банк, Ухаалаг банк, Мобайл банк, Мессеж банк гэх мэт цахим банкны иж бүрэн үйлчилгээг амжилттай нэвтрүүлэн ажиллаж байна.

Энэхүү 2 өдрийн үзэсгэлэн худалдаа нь АНУ-ын бараа бүтээгдэхүүнийг олон нийтэд нэг цэгээс танилцуулах, Монгол улсад дэлхийн чанар, стандартыг нэвтрүүлэн ажиллаж буй компаниудын үйл ажиллагааг дэмжих, хэрэглэгчдэд ойртуулах зорилготойгоор жил бүр уламжлал болон зохион байгуулагдаж байна. Зохион байгуулагдаж эхэлсэн цагаас хойш үзэсгэлэнд оролцогч аж ахуйн нэгжийн тоо болон үзэсгэлэнг үзэн сонирхогчдын тоо тасралтгүй өсөн нэмэгдэж байгаа бөгөөд 2014 онд 50 аж ахуйн нэгж оролцож байсан бол 2016 онд 90 гаруй аж ахуйн нэгж оролцсон юм. Үзэсгэлэнг зохион байгуулагчид энэ жилийн үзэсгэлэнг илүү өргөн дэлгэр хүрээнд зохион байгуулахаар ажиллаж байна.

АмЧам Монголын тухай

АмЧам Монгол нь АНУ-Монгол Улс хоорондын бизнесийн түншлэлийг өргөжүүлэх, бэхжүүлэх, эрх ашгийг нь хамгаалах болон Америкийн хөрөнгө оруулалтыг Монголд татах чиглэлээр ажилладаг бие даасан, гишүүддээ үйлчлэх төрийн бус байгууллага юм. АмЧам Монгол нь 3 сая гаруй гишүүдтэй дэлхийн хамгийн том бизнесийн холбоонд тооцогддог Америкийн Худалдааны Танхимын албан ёсны оффис юм. Мөн АмЧам Монгол нь Ази Номхон далайн 29 орнуудын Америкийн худалдааны танхимуудыг нэгтгэдэг Ази Номхон далайн орнуудын Америкийн Худалдааны Танхимуудын Зөвлөл байгууллагын гишүүн юм.